

Alkitab sagan kekanakan
Mengenal akan

Awal kesedihan
manusia



Panulis: Edward Hughes

Nang manggambar: Byron Unger; Lazarus
Alastair Paterson

Nang manyusun: M. Maillot; Tammy S.

Nang mangartikan: christian-translation.com

Nang mamproduksi: Bible for Children
www.M1914.org

©2021 Bible for Children, Inc.

Ijin: Pian beisi hak sagan menciplak atawa mancetak kisah ni,
sapanjang kada hagan di juali lagi.



TUHAN MAULAH
SEBARATAANNYA! Pas Tuhan
maulah manusia nang pertama, Adam,
inya badiam di taman eden dengan
bininya, Hawa. Buhannya kahimungan
banar lawan sampurna dalam
mematuhi Tuhan lawan merasai
kedatangan
Tuhan sampai
wayahnya ...



"Babujur Allah bafirman: sabrataan pohon nang ada dalam taman ni jangan ikam makan buahnya kalo?" Ular ngitu betakun ka Hawa. "Biah-buah nang ada dalam taman ni boleh haja buhan ikam makan kacuali sabuting," inya manjawab. Pabila ikam manjapai atawa mamakannya kami ni mati."



"Ikam kada bakal mati," takuruhing ularnya tu. "Ikam kena bisa jadi kaya Allah." Hawa handak banar buahnya tu. Inya mendangari apa jar si ular lalu mamakan buahnya tu.



Imbah Hawa kada taat dengan Tuhan inya manyuruh Adam sagan makan buahnya tu jua. Harusnya Adam bepadah, "Kada! Aku kada akan meumpati Firman Tuhan."





Pas
Adam lawan
Hawa baulah dosa, buhannya badua
sadar amun buhannya dua batilanjang. Buhannya
menjahit daun ara lawan baulah cawat, buhannya
manutupi diri buhannya saurang lawan basambunyi
di padang sabat matan kahadiran Tuhan.



Pas cuacanyanyaman sanja hari Tuhan bajalanan di taman. Inya (Tuhan) tahu apa nang sudah diulah oleh Adam lawan Hawa. Adam menyalah akan Hawa. Hawa menyalah akan ular. Tuhan bafirman, "Ular tu dikutuk. Binian ngitu pasti merasai kesakitan pas waktu beranak." "Adam oleh ikam sudah baulah dosa, terkutuklah tanah dengan padang sabat lawan kumpay baduri.

Abahluhan ikam bacari makan saban hari."



Tuhan ma'andak Adam
lawan Hawa di taman
nang bujur-bujur bagus.
Oleh buhannya badosa,
buhannya tapisah
dari Tuhan
nang hidup!





Tuhan maulah pedang
nang benyala-nyala sagan mahalangi
buhannya babulik pulang. Tuhan
maulah akan baju dari kulit sagan
Adam lawan Hawa. Dari mana
Tuhan ma'ambil
kulit-kulit nang
didapat ni?




Pas babarapa waktu, saikung anggota keluarga hanyar lahir hagan Adam lawan Hawa. Anak pertama buhannya, Kain, adalah saurang petani. Anak kadua buhannya, Habel, saurang gembala.



Pas Kain mambawa babarapa sayur sagan persembahan hagan Tuhan, Habel gin mambawa babarap ikung kambingnya nang paling baik sagan sesarahan hagan Tuhan. Tuhan katuju banar wan sesarahan Habel.



Tuhan kada katuju dengan persembahan ampun Kain.
Kain sarik banar. Tuhan befirman, "Pabila ikam
maulah apa nang bujur, apakah
sesarahan ampun ikam kada
diterima?"



Sariknya kain kada hilang.
Imbah di padang inya manampar
Habel - lawan mambunuhnya!



Tuhan befirman sagan Kain, "Ading ikam si Habel tu di mana?" "Aku kada tahu," Kain bakaramput. "Aku ni tukang jagai adingku kah memangnya?" Tuhan mambari hukuman sagan Kain diambil Tuhan kalihaiannya batanam lawan maulah inya jadi buronan lawan saurang pengembara.



Kain kada lagi dalam Tuhan. Inya kawin lawan anak binian Adam lawan Hawa. Buhannya baulah kaluarga. Langsung, cucu-cucu lawan buyut-buyut kain mahibaki tanah nang buhannya dapat.



Lagi pahadangan, kula Adam lawan
Hawa batambah capat banar. Pas
wayah itu, hidup manusia labih lawas
dibandingi lawan wayah ini.




Pas anaknya Seth lahir, Hawa bepadah, "Allah sudah mambari sagan ku kanakan nang lain lagi sebagai ganti Habel." Seth ni urangnya marawa banar hidupnya ja panjang umur sampai umur 912 tahun lawan beisi anak banyak banar.



Di bumi, kejahatan manusia parah banar
lawan labih jahat dari pada keturunan
nang satu diumpati keturunan nang
lain. Akhirnya Tuhan ma'ambil
keputusan sagan memusnahkan
sebrataan umat
manusia

lawan ...



... Sebrataan binatang lawan
burung-burung. Tuhan manyasal
banar maulah manusia. Tapi ada
saikung urang nang maulah hati
Tuhan himung ...



Ngaran urang tu Nuh. Urang dari katurunan Seth, Nuh haja nang taat lawan kada beisi salah. Inya bejalan dengan Tuhan.



Inya jua ma'ajar akan 3 ikung anak lalakiannya sagan patuh dengan Tuhan. Wayah ini Tuhan beisi rencana sagan memakai Nuh dalam rencana nang khusus lawan aneh banar!



Awal kesedihan manusia

Sabuting kisah matan Firman Tuhan, Alkitab

Taulih dalam

Kejadian 3-6

"Amun tabuka, firman-firmanPian mambari
pamahaman." Mazmur 119:130



Tuntung



Kisah Alkitab ni memudah akan sagan kita kaya apa Allah kita nang Hebat tu, sudah mancipta akan kita ni lawan kita handak mambari pengartian mengenal Inya (Tuhan) labih dalam lagi.

Allah tu tahu, pa bila kita ni beulah hal nang kada baik, yang Inya (Tuhan) sambat sabagai dosa. Hukum dosa tu maut, tapi Allah ni sayang banar lawan kita. Inya (Bapa) mangirim akan anakNya, Yesus, sagan mati di kayu salib lawan di hukum oleh dosa-dosa kita. Imbah tu Yesus tu hidup lagi, habis tu tulak ka surga! Pa bila buhan pian percaya dengan Yesus, lawan minta inya ma'ampuni dosa-dosa buhan pian dengan ulun, Inya (Tuhan) menggawinya! Inya (Tuhan) handak datang lawan tinggal di dalam hidup buhan pian berataan, habis tu ulun & buhan pian akan hiduo beimbai Inya (Tuhan) salawasan.

Jaka buhan pian handak babulik dari dosa-dosa pian, pander ja kaya ini ke Tuhan: Allah nang hebat, ulun percaya kalo nya Yesus sudah mati sagan kita, lawan wayah ni hidup lagi. Tamui ja dalam hidup kita, lawan ampuni dosa-dosa ulun, biar ulun bisa beisi hidup nang hanyar wayah ni, lawan suatu saat kena tulak beimbaian dengan Tuhan selawasnya. Tolongi ulun sagan hidup gasan Tuhan sbagai anak Mu (Tuhan) amin.

Bacai Alkitab lawan bepanderan dengan Tuhan
satiap hari! Yohanes 3:19

